

莊子通義

刻莊子通義引

宇宙無涯乾坤無朕貿焉群生相

無窮不有淳古先覺察其主張綢繆之

物而示之人則最靈之賦參贊之能滔

醉夢而莫知其形之弗踐之可恥也莊子

樂天憫世之徒學繼老列嘗與魯哀

公論儒道公謂國無其方郭子玄稱

其文為百家之冠厥有指矣或乃以其

命辭跌宕設諭奇險遂謂其荒唐謬  
悠與詩書平易中常者異而擯黜於  
儒門不知其異者辭也不異者道也即  
其發微唱幽尚真恥跡之多方蓋道德  
優裕之後用易而藏其用肆其才而游於  
藝于以寓其順世閑迷之心者也然則詩  
書固經世之準而三子則立命之方立  
命達於人人經世存乎一遇安得守此

棄彼乎是故求文辭於先秦之前莊子  
而已求道德於三代之季莊子而已易曰  
淺其見天地之心欲見天地之心者必不  
忽莊子好古畜德者必不訝莊子是  
用通其義而托諸梓新與若人者共  
答莊子之賜

皇明嘉靖庚申蜡日靖江朱得之書

讀莊評

君師之道尋跡而不率性則賊已有跡可尋  
則賊人莊子之學由靜而入極虛而安蓋  
祖巢由而宗老列嘉堯舜披孔顏悲龍逢  
比干夷齊而孩管晏者凡其不滿先聖者  
皆以天機未忘所務有跡時也故三十三  
篇皆以掃跡爲義

莊子享用只是自然其靈昭之地真見天地  
之性人爲貴者觀其契躍鱗之樂於濠梁

一  
言  
一  
腐鼠之嚇於霄漢其所蘊可知矣

莊子意本尚無此數萬言有也何所從來乎  
曰言其無言知其無知乃爲其無爲也蓋  
無者天之體希天者非虛不能無非靜不  
能虛故靜則用功之始而無則本體之全  
其曰聖人之心靜非曰靜也善故靜也又  
曰陰陽和靜皆言用功非成功也

老莊論性以虛無爲指蓋就人生而靜以上  
說故謂仁義爲有情有跡不足以盡性

隨意出詞絕無結構莊文也如曰其生也有  
涯知天之所爲之類在他人則不如此開  
口外篇雜篇疑或有聞於莊子者之所記  
猶二戴之禮非出一手明目者自識也  
之噲讓國在孟子時而莊文曰昔者陳恒  
弑君孔子請討魯國之儒一人莊子身當  
其時而胠篋篇曰陳成子弑其君子孫享  
國十二世卽此推之則秦末漢初之言也  
豈其年踰四百歲乎末篇稱鄒魯之士當

在長卿已後者所爲也大抵此籍多數演  
老子之言以發揮其精神者

莊子只是有垂訓之心故其爲言時有播弄  
處欲人愛其文之馳騁而誦之因以漸見  
其所指耳其自謂以天下爲沉濁不可與  
莊語故以卮言爲曼衍以重言爲真以寓  
言爲廣又曰以謬悠之說荒唐之言無端  
崖之辭時縱恣而不倘又曰其書雖瓌瑋  
連作無傷也其辭雖參差詼詭可觀也此



乃後人表揚愛信之意

先輩嘗言莊子之書不易讀又曰不可不讀  
謂造詣未同則不能通其意無莊之造詣  
虛生浪死也

莊子亦周末文勝之習今觀其書止是詞章  
之列自與五經辭氣不同然其指點道體  
天人異同處却非秦漢以來諸儒所及故  
從事於心性者有取焉

曾史盜跖與孔子同時楊墨在孔後孟前莊

子內篇三卷未嘗一及五人則外篇雜篇斷斷乎非莊子之言矣

列莊之書初讀之知其愛生旣而覺其不苟生不苟死余非不知其爲今時所屏慢特惜此老一段精神惻怛慷慨後世鮮察之耳陳同父謂世間不可無此人亦不可無此書林堯叟謂此書自當獨行於世余惟心性之學孔孟以前天下猶同風而人之所造或不同則以欲速見小眩之也然而

深造自得者未嘗絕響漢以後功利配  
毒舉世顛瞑馬班韓柳之風相爲馳煽藻  
繪雕刻日深日繁可以山積海藏矣有志  
之士鼎沸其心思困憊其精力竟不得古  
德之末階余悲康成之徒而思反朴還淳  
也間嘗閱之而有覺其與孔孟相發者又  
自疑其一人之見也縱觀古註互有得失  
亦未免於一人之見蓋學未齊莊意自不  
能盡契言有盡而意無窮焉知莊子之意

果若是乎否也是以據所見而爲之通亦  
所以見莊子非枯寂之學後世猶有知其  
旨無者其本文詞旨明白前賢訓無遺義  
者不復贅說惟事理可以意會不必分解  
乃爲衆說狂馳不得不辨者故復費辭而  
不諱如門無鬼論舜武章金鍾之類是也  
或謂二氏之書不當以儒者之學爲訓竊惟  
道在天地間一而已矣初無三教之異猶  
夫方言異而意不殊鍼砭異而還元同

苟不得於大同則父子夫婦亦有不同者  
孰知自私用知之爲蔽而潰裂夫道哉

褚氏伯秀義海纂微作於勝國時因避地遺  
于滇南其自敘可考也余同門友錢塘王  
雲谷潼游覽四方歷三十年窮鄉絕島莫  
不探陟嘉靖初至彼見之手錄以歸乙卯  
疾將革以授余曰煩兄圖廣其傳毋使褚  
氏之心終泯也今刻從其情得失不易  
字信褚氏信雲谷也

修詞立其誠學問之全功也楮氏以前諸解  
多主立誠今通義略兼修詞者蓋欲習詞  
章者知反於性道理心性者知謹於詞氣  
庶乎先哲啓後之心而後世愛而傳之之  
物也

讀莊評

終

莊子通義目錄

內篇

卷之一

逍遙遊第一

北冥有魚

順化逍遙  
推變逍遙

堯讓天下與許由

无已逍遙

肩吾問于連叔

无功逍遙  
无名逍遙

惠子大瓠

適物逍遙

惠子大樹

无爲逍遙

褚氏義海纂微其篇自擬篇目自爲後序今刻既附其籍因亦附註其目於篇目之下并存其序於後間有脫簡重出俱仍其舊

齊物論第三

齊我

齊智

齊是非

南郭子綦隱几而坐

齊道齊物

齊治齊死生

齧缺問乎王倪

齊同異

瞿鵲子問長梧

齊因

罔兩問景

齊化

卷之二

養生主第三

吾生也有涯

養性分

得生理

公文軒見右師

遺形累

遠樊籠



老聃死秦失吊

釋源解

人間世第四

顏回見仲尼

化導

葉公子高將使於齊

命使

顏闔將傳衛靈公太子

師傳

匠石之齊

不材惡名

南伯子綦遊商丘

神不矜死  
材致不祥

支離疏

既德養身

孔子適楚

有用致患

德充符第五

魯有兀者王骀

鉉道

申徒嘉與子產同師

游內

魯有兀者叔山無趾

務全

魯哀公問仲尼

德平

闔跂支離無脤

德忘

惠子謂莊子

无情

卷之三

大宗師第六

知天之所爲

真人行

南伯子葵問女偶

不遜化得道妙

子祀子輿子犁子來

才道相須

子桑戶孟子反子琴張

死生友相忘友

顏回問仲尼孟孫才

无情死

意而子見許由

游道域

顏回曰回益矣

坐忘

子輿與子桑友

推極委命

應帝王第七

齧缺問于王倪

不言之教

肩吾見狂接輿

天根遊于殷陽

无爲之治

陽子居見老聃

聖人死名

鄭神巫曰季咸

聖人无常心

無爲名尸

寄托

南海之帝爲儵

開兌

外篇

卷之四

駢拇第八

駢拇枝指

養正性命

馬蹄第九

馬蹄可以踐霜雪

智慧生爲

肱篋第十

將爲肱篋探囊發匱

絕聖棄智

在宥第十一

聞在宥天下

處无爲之事

崔瞿問於老聃

聖人虛心  
清淨民正

黃帝立爲天子

无爲民化

雲將東遊過扶搖

持勝任道

世俗之人

持後處先  
道无不爲

卷之五

天地第十二

天地雖大

夫子曰道覆載萬物

夫子曰夫道淵乎其居

黃帝遊乎赤水

堯之師曰許由

堯觀乎華

堯治天下伯成子高立

秦初有無

夫子問於老聃

將問蘧見季徹

子貢南遊於楚

諄芒將東之大壑

門無鬼與赤張滿稽

厲之人夜半生子

天道第十三

天道運而無積

孔子西藏書于周室

士成綺見老子而問

老子曰夫道

桓公讀書於堂上

天運第十四

天其運乎



商太宰問仁于莊子

北門成問於黃帝

孔子西遊於衛

孔子行年五十有一

孔子見老聃而語仁義

孔子見老聃歸

孔子謂老聃曰

## 卷之六

### 刻意第十五

刻意尚行

守純素

繕性第十六

繕性於俗

恬智相養

秋水第十七

秋水時至

夔憐蚘

孔子遊於匡

公孫龍問魏牟

莊子釣於濮水

惠子相梁

莊子與惠子遊於濠梁

循本

至樂第十八

天下有至樂

至樂无爲

莊子妻死

遺情累

支離叔與滑介叔

化空

莊子之楚見空髑髏

兩謬

顏淵東之齊

名實

列子行食於道

化機

雜篇

卷第七

達生第十九

達生之情者

達生

子列子問關尹

聃无

仲尼適楚出于林中

一志

顏淵問仲尼

矜重

田開之見周威公

善牧

桓公田於澤

戒微

紀渚子爲王養鬪雞

趙異

孔子觀於吕梁

習成性

梓慶削木爲鐻

擇材不爭

釋疑

東野稷以御見莊公

過巧

工倕旋而蓋規矩

忘伎

有孫休者踵門而詫

審授

### 山木第二十

莊子行於山中

顯晦在道

市南宜僚見魯侯

文皮爲災  
虛已免害

北宮奢爲衛靈公賦歛

因循成化

孔子圍於陳蔡之間

无能遠禍

孔子問子桑戶

天属相收

莊子衣大布

德隱

孔子窮于陳蔡之間

大達

莊周遊乎雕陵之樊

失照

陽子之宋宿于逆旅

自賢

## 田子方第二十一

田子方侍坐于魏文侯

真寤

溫伯雪子適齊

其會

顏淵問于仲尼

密移

孔子見老聃新沐

才德自然

莊子見魯哀公

殘言

百里奚爵祿不入於心

內得外望

宋元君將畫圖

藝精忘形

文王觀于臧

詢象任賢

列御寇爲伯昏無人射

有心未妙

肩吾問于孫叔敖

道充不動

楚王與凡君坐治身保存

知北遊第三十二

知北遊於玄水之上冲默

天地有大美而不言神解

齧缺問道乎被衣常道

舜問乎丞不可得

孔子問于老聃中極

東郭子問于莊子道无不在

何荷甘與神農同學得道秋豪

淵之又淵



光曜問乎無有

光景都亡

大馬之播鉤

守一 背俗

冉求問於仲尼

不先物

顏淵問乎仲尼

令境

卷之八

庚桑楚第二十三

老聃之役

去智 禮偽

自定 虛无

移是 德性

徐無鬼第二十四

拙偽 忘形同天

智龍

徐無鬼因女商見魏武侯

遷善

徐無鬼見武侯

修誠

黃帝將見太隗

放心

知士無思慮之變

樂宥

莊子曰射者非前期

謬妄

莊子送葬過惠子之墓

亡質

管仲有病

公舉

吳王浮于江

戒驕

南伯子綦隱几而坐

齊南名

仲尼之楚

貴默

子綦有八子

相形

齧缺遇許由

外賢  
自晦

偷安  
棄數

則陽第二十五

則陽遊于楚

抑進

魏瑩與田侯牟約

止開

孔子之楚舍于蟻丘

遠佞

長梧封人問子牢

治形

栢矩學于老聃

涉塵

蘧伯玉行年六十

循物

仲尼問于太史

素定

少知問于大公調

究理

卷之九

外物第二十六

外物不可必

无必

莊周家貧

急難

任公子爲大鈎

趣去

儒以詩禮發冢

述弊

老萊子之弟子出薪

矜驚

宋元君夜半而夢

智困

惠子謂莊子

无用之用  
流通

寓言第二十七

寓言十九

中道  
蕩性  
內通  
忘全  
遠真

莊子謂惠子

時化

曾子再仕而心再化

係祿

顏成子游謂東郭子綦

叙學

衆罔兩問於景

獨化

陽子居南之沛

去驕

讓王第二十八

堯以天下讓許由

治內

子列子窮

處身

楚昭王失國

自辱

原憲居魯

高蹈

中山公子牟謂瞻子

尊生

孔子窮於陳蔡之間

惡患

舜以天下讓其友

知輕重 完身 達非義 遵法度 守節 養志

盜跖第二十九

行修 趣高 樂道

孔子與柳下季爲友

子張問于滿苟得

羞辱

廉清

無足問于知和

避世

莊子通義目錄

終



莊子卷第一 參元朱得之傍註并通義

附錢塘褚伯秀義海纂微

內篇

雲谷王潼錄校刊

逍遙遊第一

大觀而不見世順天而不存我此逍遙之遊之旨也

北冥有魚其名為鯢。鯢之大不知其幾千里也。化而為鳥其名為鵬。鵬之背不知其幾千里也。怒而飛其翼若垂天之雲。是鳥也海運則將徙於南冥。南冥者天池也。齊諧者志怪者也。諧之言曰鵬之徙於南冥也水擊三千

集事起下議

里搏扶搖而上者九萬里去以六月息者也

不通

先斷其不大

其義亦通

何也

野馬也塵埃也生物之以息相吹也天之蒼

略之

世界

蒼其正色邪其遠而無所至極邪其視下也

蒼蒼

亦若是則已矣且夫水之積也不厚則負大

舟也無力覆杯水於坳

於交鳥了二反

堂之上則芥

爲之并置杯焉則膠水淺而舟大也風之積

也不厚則其負大翼也無力故九萬里則風

斯在下矣而後乃今培風

厚

背負青天而莫之

辭榮

音

二字衍

謀

蜩

一作

鳩

天關者而後乃今將圖南蜩與鷖

音

鳩

笑之曰。我決起而飛。捨榆枋。時則不至而控

於地而已矣。奚以之九萬里而南為。漸歸人一望適莽蒼

者。數論遠近之趣不同三餐而反。腹猶果然。充實適百里者宿舂糧。適

千里者三月聚糧。此之二蟲又何知。原情小知不及

大知。亦猶小年不及大年。奚以知其然也。大之章亦名目及朝菌不

知晦朔。蟪蛄不知春秋。此小年也。楚之南有

冥靈者。木名以五百歲為春。五百歲為秋。上古有

大椿者。以八千歲為春。八千歲為秋。而彭祖

乃今以久特聞。眾人匹之。不亦悲乎。可憐湯之問

棘也是已。其目見窮髮之北。有冥海者。天池也。有魚

焉。其廣數千里。未有知其修者。長其名爲鯢。有

鳥焉。其名爲鵬。風曲背背若泰山。翼若垂天之雲。搏

扶搖羊角而上者九萬里。無絕雲氣。負青天。然

後圖南。且適南冥也。小澤斥鴳笑之曰。彼且奚適

也。我騰躍而上。不過數仞。而下翱翔蓬蒿之

間。此亦飛之至也。而彼且奚適也。句結引證應不大意此小大之

辯也。承上之飛。下之適。歸人事見立論之指故夫知效一官。行比一鄉。德合一君。而

徵一國者。收其自視也。亦若此矣。鵠而宋榮子猶笑貌

然笑之。且舉世而譽之。而不加勸。舉世而非之。而不加沮。定乎內外之分。辯乎榮辱之竟。斯已矣。彼其於世。未數數然也。雖然。猶有未樹也。夫列子御風而行。泠然善也。旬有五日而後反。彼於致福者。未數數然也。此雖免乎行。猶有所待者也。若夫乘天地之正。而御六氣之辯。以遊無窮者。彼且惡乎待哉。故曰。至人无已。神人无功。聖人无名。

天惟無體而大至人無已乃所以為大也

**卷一** 野馬塵埃指鵬在太虛中人之仰視者若無可見惟濛濛然不過野馬塵埃之微

爾其飛也亦猶萬物之以息相吹也此形容  
天之大言外見道眼之大肅肅口義謂天之  
蒼蒼三句言人目力既窮上無所極故但見  
濛濛然而已鵬之飛也既極於高則其下視  
人間亦必如此濛濛然也水之積也不厚爲  
下句厚風載翼之喻蜩鳩謂鵬喻淺見之人  
局量狹小不知世界之大也三餐三句又取  
譬以爲鵬鳩之證小知大知結上鵬鳩小年  
大年生下一段譬喻又是文之一體朝菌暮  
生於糞上見日則死彼但知有朝暮而已又  
安知有晦朔也蟪蛄春生夏死夏生秋死不  
見四時之全故曰小年此亦寓言言冥靈之  
生一千年方當一歲大椿之生一萬六千年  
方當一歲彭祖僅年八百至今乃以高壽特  
聞於世衆人皆慕之而不及亦是小而不知  
大也知效一官可辦一職之事也行比一鄉  
德合一鄉而使入歸向也德合一君言主一  
國之事也此三等入各以其所能爲自足

如斥鴳之類宋榮子則舉世毀譽之而不加  
勸沮視彼三士但見可笑蓋其知本心爲內  
凡物爲外也彼既知內外輕重則豈肯汲汲  
然以世俗爲事雖然宋榮子之能固如此亦  
未有大樹立作家處若列子者御風行空半  
月而反飄飄然無礙其視修身求福者又不  
足言矣列子御風雖免乎行而非風則不可  
故曰猶有所待若夫乘天地之真機御陰陽  
風雨晦明之六氣以遊於無物之前而無所  
窮止若此則無所待矣此有迹無迹之分者  
是也此上篇分二篇惟湯之問棘也是已一  
句或以爲上篇結句或以爲下篇起句鄙人  
詳玩以爲後篇即前篇之結自窮髮至辯也  
一百十七字莊子意其鯢鵬之論非臆說非  
怪誕故引列子之文以證之所謂重言也故  
以此小大之辯也一句結之自知效一言以  
下意脉徑續悲乎之指者不當分二篇若於  
窮髮之上增其謂二字其意婉然其曰乘天

地御六氣即易傳時乘六龍以御天也篇末  
至人無已三句諸解皆未的確推莊子通籍  
之意不無差等蓋以爲無名者尚有功無功  
者尚有德至於無已則功名何存聖有可  
名神則忘形至則無知蓋曰至人無已無待  
者也神人無功御風泠然有待者也聖人無  
名譽不加勸非  
不加沮者也

氣所以滋孕萬物南主炁氣所以長養萬物  
先北而後南陽由陰生也位雖有殊而氣本  
無間特以相去遼遠漸化不覺猶四時之遷  
和寒隆暑非一朝成故鯁潛鵬化靜極而動  
搏風九萬六月而息不出乎陰陽之互變游  
在乎一氣混冥中耳是以南北皆謂之冥焉  
南華老仙蓋病列國戰爭習趨隘陋一時學  
者局於見聞以縱橫抑闔爲能掠取聲利爲  
急而昧夫自己之天遂慷慨著書設爲遠大



之論以發明至理開豁人心言得此道者與  
天地合德陰陽同運隨時隱顯無往而不道  
遙天地之陰陽即人身之陰陽水火因之以  
發源性情資之以通化上際下蟠無所不極  
然非視聽所可及故立鯁鵬以強名使學者  
始因物而明心終忘形以契道深根寧極妙  
合化機吾身之陰陽無時不運吾身之天地  
未嘗或息也由是知人之本性具足逍遙而  
世俗冥迷忘真逐偽當生憂死慮得患失罔  
知所謂逍遙故申言以破其惑謂人之生死  
如魚變鳥失鱗甲而得羽翰舍游泳而從飛  
舉情隨形化各全其天造化無極與之無極  
何所容其愛惡哉物之物化其變未量故不  
知幾千里及乎鵬徙南冥之後三千九萬之  
數形焉去以六月息者陰消陽長造化不停  
之機野馬塵埃即事物過前之譬儻善操其  
本而得鵬飛之要則超逸絕塵徜徉物表六  
合之遊氣潛運萬彙之生息交虛適所以相

吹舉而莫足爲之果動容周旋無入而不自  
 得所以爲逍遙遊也故以冠經之首其間怒  
 而飛一句諸解罕詳及偶得言外意附於條  
 末云天地稟乎一氣者也萬物稟乎天地者  
 也自一氣分而爲天地天地交而生萬物互  
 離互合生化無窮小大短長咸足其分由受  
 氣至於具形數極至於變質負陰抱陽時各  
 有待當化者不得不化當飛者不得不飛皆  
 天機所運受化者不自知也怒而飛者不得  
 已而後動之義怒猶勇也爲氣所使勇動疾  
 舉有若怒然非憤激不平之謂也凡物之潛  
 久者必奮屈久者必伸豈厭常樂變而爲此  
 哉蓋圀形大化中則隨二氣而運盈虛消長  
 理不可逃齊物論萬寢怒呼外物篇草木怒  
 生亦此意道德經所謂萬物並作是也於此  
 以觀其復則六月息之義可知世人見其怒  
 而不見其息知其作而不知其復故昔夫逍  
 遙之鄉日趨有爲之域以至事物膠葛患累

云天地雖大能役有形而不能役無形夫欲  
免爲二氣所役者請於冥魚未形已前求之  
湯之問棘句按列子作殷湯問夏革革棘聲  
相近而義亦通皆訓急也崔說以此句結承  
上文靈樁之論呂註從此句起下文冥海之  
談各據所見分章耳大觀八註本以此句獨  
立條似亦牽於上下文未決所附故也林氏  
註正與上文相貫則同崔論碧虛陳景元本  
第二章從此句始則同呂說今詳考經意蓋  
欲實鯢鵬之義故一唱題而兩舉證首引齊  
諧所志次以湯之問棘再參列子湯問篇冥  
海天地之論以印莊子之言則此章自合始  
於湯之問棘句末加是已者證上文而生下  
語觀者多不明辯誤作前章結句若以爲結  
句則意已盡矣後章從窮髮之北重起論端  
非立言之體也故借述所以附于條末以釋  
其疑竹溪林氏亦云據此句合在下以結句

爲起句是其作文鼓舞處下文乃再舉鯢鵬  
 之論不在重釋知效一官行比一鄉等語言  
 人知能小大各有所施以得用爲適耳宋榮  
 子猶然笑之則不以榮利動其心而全無用  
 之辨者也超出知能一等矣而真人猶以爲  
 未立則所見超詣可知如列子能御風而不  
 能無待必至於御六氣以遊無窮斯爲至也  
 故斷之曰至人無已神人無功聖人無名此  
 三者人道之極用以總結逍遙遊首章大意  
 蓋至道窮神妙躋聖域不越乎三無之論入  
 而言至出而言聖神運於其中無方而不測  
 弘之在人理亦寄耳因言立教則不無序焉  
 凡厥有生已私易植貴乎忘已矜矜易萌次  
 當忘功已功既忘人譽必至又須忘名以遠  
 世累累遠身全道純德粹以之處人應物無  
 不盡善而三者之名亦混融俱化矣竊觀古  
 今才能英傑之士建功立名不爲不多而明  
 哲自全者無幾豈其智弗及邪道心未明言

公障之耳夫幼學壯行期於立功功所以及  
物也而功成必見忌修身立業期於揚名名  
所以勵俗也而名下難久居非功名之過病  
在於有我信能忘已則避功逃名隱迹全道  
若五湖之泛赤松之遊桐江之釣四海一身  
將有餘樂何危機之足慮哉太上云功成弗  
居名遂身退良有以也儻致知力行動與理  
合則善窮善達樂生樂死無往而不逍遙所  
謂至神聖者物被其德而歸美之稱何足以  
極天遊之妙郭氏註理至則迹滅其說盡之

堯讓天下於許由

何敘事

曰

下論其義

日月出矣

地

而燭火不息

其於光也不亦難乎時雨降矣而猶浸灌其

於澤也不亦勞乎夫子立而天下治而我猶

尸之主吾自視缺然請致天下歸位許由曰子治天

設法

下。天下既已治也。而我猶代子。吾將爲名乎。  
名著實之賓也。吾將爲賓乎。鵲巢於深林。  
不過一枝。鼯鼠飲河。不過滿腹。歸休乎君。予  
无所用天下爲。庖人雖不治庖。尸祝不越樽  
俎而代之矣。

**通義** 夫子立而天下治。猶言聖人作而萬物  
覩歸功於由也。此言由既出世。天下化其道。  
天下自治。非我之功。而我猶冒爲天下主。深  
自愧也。堯稱許由無爲之指也。由之答堯意。  
含有爲也。老子曰。曷嘗有治天下者哉。語意  
亦若此。由以爲受之是爲名也。不爲實也。名  
者外來之物。非我所固有者。將焉用之。鵲巢  
在廣大之中。取於自足。亦何所用於廣。

大卽此安分自足之風天下所以感之而治  
不待於有爲之迹也末二句以庖自比以尸  
祝比堯言治天下如祀神黍稷非馨明德惟  
歆庖人雖棄其事而尸祝之誠足以格神足  
以庇庖矣又何屑屑於庖人之所務哉博俎  
應庖事蓋歸功於堯也

**卷四**

伏讀堯讓章淳古揖遜之風儼然在目

有以見聖人尊貴道德後已先人真以治身  
土苴以治天下之意彼戰爭攘奪於尺寸土  
地之間何後世之梟薄邪堯以燁灌比功其  
謙虛至矣豈以黃屋爲心哉山以鷦鼠喻量  
其素分足矣豈僥倖富貴哉惟有神堯在位  
斯有許由在野氣類感召理有由然堯之憂  
天下也深謂四海雖已治非由莫能繼由之  
待天下以忘謂四海旣已治吾將曷與哉非  
讓大任而不疑無以見堯之真知卓絕非高  
視而不受無以見由之抱道精純蓋聖人不  
以出處分重輕而以義理爲去就此有係乎

道之卷舒時之泰否耳夫堯之知由也審故不俟歷試而舉以代已使由幡然受禪不失平端拱巖廊之尊使堯偷然得謝則可以韜光太古之上聖人顯晦在道若合符節豈世俗得以窺其蘊哉且由之於堯以分則民以道則師其啓沃之微心傳之妙由之所以資堯者至矣雖授之天下亦未爲過而由也誠何以天下爲至若名者實之賓一語足爲萬世法即此語而推非惟醒邯鄲之夢息觸蠻之爭抑使後人想像箕山潁水之趣而風樹一瓢猶以爲累也終以尸祝不越樽俎而代庖言堯之至德明於知人由之隱德明於處已各安所安各足其足而天下無事矣夫尸祝之於庖人雖尊卑勞逸勢若不相侔然均於以誠接神臨事尚敬有可代之理古人猶不爲之季世薄俗乃有叛倫背理而妄希代者幸是經不泯足以明進退之節量授受之分而絕天下姦倖之心吁南華老仙亦聖矣知



世道交喪之後有人與人相食者故其述  
聖揖遜之迹覲出迹而求其心是亦慮扁投  
藥於未病之義誠有以密輔世教而人  
罕知者敬行其所以言之意而表出之

肩吾問於連叔曰吾聞言於接輿大面無當

實

往而不反吾驚怖其言猶河漢而無極也大

天河

有逕庭不近人情焉連叔曰其言謂何哉曰

藐姑射之山有神人居焉肌膚若冰雪綽約

山名

室女

若處子不食五穀吸風飲露乘雲氣御飛龍

而遊乎四海之外其神凝使物不疵癘而年

視之

穀熟吾以是狂而不信也連叔曰然瞽者無

以與乎文章之觀。聾者无以與乎鍾鼓之聲。

豈唯形骸有聾盲哉。夫知亦有之。是其言也。

猶時女也。此神乏人也。此之德也。將旁礴萬物。以爲

一世。析斲乎亂。治孰弊弊焉。以天下爲事之人也。神

物莫之傷。大浸稽天而不溺。大旱金石流土

山焦而不熱。緒餘是其塵垢粃糠。將猶陶鑄堯舜

者也。孰肯以物爲事。章宋人坐章膚而適諸越。

越人斷髮文身。無所用之。舉證堯治天下之民。平

海內之政。往見四子藐姑射之山。汾水之陽。

省反然喪其天下焉

庭路徑庭院也言其動靜長短之不內省也逕而不信以接輿爲狂而疑其妄言也神發使物不疵癘而年穀熟蓋神存而過化則因物賦物物各得所太和充塞於宇宙間故臻此也猶時汝與孔子時其亡蛾子時述之時同言就汝所可及而語汝也孰肯以物爲事比前以天下爲事意進一層與孟子論伊尹大小皆不動心同義四子即是許翬王被後篇可證不必強爲他說汾水之陽一句意屬下文言堯既見四子之後雖居位而忘位處富貴而忘其富貴也膚齋口義謂心無見識猶聾瞽然至德之人周遊物表而世自治豈若世人弊弊然用知力以求平治哉水不瀦火不熱言其無入而不自得也宋人章甫云云謂其所言廣大世人淺見不足以語此堯治

天下古今第一猶且恍然自失況他人矣乎

**集解**姑射神人章非食煙火語不因親接聖訓何由下教人間寓道真切莫要乎此而言微旨奧初學難窺詳前諸解呂林二公得其端緒後有無隱講師盡畧衍義直指玄微發先聖不言之祕開學人固有之天恨不手挈羣生俱登姑射同爲逍遙之遊其用心可謂普矣伯秀幸聆茲誨不敢已私敬附諸解之末以弘法施併推廣餘意詳釋下文云肌膚若冰雪體抱純素塵莫能汙也綽約若處子守柔自全害莫能及也不食五穀吸風飲露則絕除世味納天地之清冷乘雲御龍遊乎四海則凌厲太空同元氣之冥漠所謂不行而至與造物遊者也其神凝使物不疵癘而年穀熟則養神之極者非唯自全而已又足以贊天地之化育輔萬物之自然此言推已以及物之所以合神不測契道無方也歟或

爲名相所移求。是山於絕垠之外。則所  
神人者。益遠矣。竊謂經中窮神極化之妙。皆  
見此章。而聞者以爲狂而不信。豈止一有  
而已哉。按此與列子黃帝篇第二章文小異。  
而義實同。南華託之於接輿。又所以神其迹。  
也。餘文平易可通。不復贅釋。獨猶時女也。一  
句有二說。郭成諸解。並云猶及時之女。自然  
爲物所求。但智之聲。瞽者謂無此理。虛齋趙  
氏以夫以時訓是女。音汝。尚書時女。功義同。  
連叔謂肩吾神人。似是汝也。列子所謂生生  
形形者。腐齋曰。義同趙音訓。又塵垢秕糠。陶  
鑄堯舜之語。若輕堯舜。然及考經旨。所歸實  
尊之至也。謂世人所稱堯舜。惟尊之爲聖人  
者。徒名其塵垢秕糠耳。堯舜之實惡。可得而  
名言邪。堯見四子藐姑射之山。四子說亦不  
同。按陸德明音義載。司馬舊註。謂王倪齧缺  
被衣許由也。郭象註。四子者。寄言以明堯之  
不一於堯耳。夫堯之實冥矣。其迹則堯也。自

迹觀其內外異域世徒見堯之爲堯豈識其  
冥哉故將求四子於海外而據堯之所見因  
謂與物同波者失其所以逍遙也成法師疏  
四子四德也一本二迹三非本非迹四非非  
本迹也言堯返照心源洞見道境超茲四句  
故云往見四子呂惠卿註堯往見四子藐姑  
射之山是見神人也神人即吾心見吾心則  
無我無我則雖有天下亦何以天下爲哉又  
解堯之師曰許由許由之師曰齧缺齧缺之  
師曰王倪王倪之師曰披衣四子皆能窮神  
而堯因之以入是往見之也林疑獨註堯資  
治天下之功業往見許由齧缺王倪披衣而  
不爲四子所售猶宋人資章甫而適越也陳  
詳道註四子者不以天下與物爲事者也連  
叔以大浸不溺大旱不焦歸之神人王倪  
澤焚不熱河涸不寒歸之至人河伯以寒  
不害禽獸不賤歸之德人仲尼以經太山  
不介入淵泉而不濡歸之真人此四人者

心與元氣合體與陰陽冥堯得四子之道故云往見之也陳碧虛註夫忘天下者無寄托之近名然歸之愈衆而忘之愈冥故外其身而身存後其身而身先此天下樂推而不厭者也吳儔註自述觀堯則內外異境治天下平海內者見其迹而已若乃堯之爲心豁然四達遠在遼絕一方不足以係之也虛齋趙以夫註堯往見四子豈真有人之可見哉亦反而求之耳能知許由卽堯者可以語此本篇主意在肩吾連叔問答能通此則首尾之意無不貫矣我西蜀無隱范講師云四子喻四大藐姑言其幽眇謂堯雖治天下平海內述若有爲而心不離道能反觀四大於幽眇之中故累盡而逍遙也已上四解諸子之論不齊或大意混成而於數不合或稽數合符而考義差遠求之近解中庸齋實爲理勝范講義數兼該皆可服膺者也按此所謂四子乃寓言以明道而道之爲物恍惚窅冥難以

形數定在學者用志不分親有所見始究端的非語言能盡今據經意擬爲之說堯之師曰許由由之道蓋出於蓄缺王倪被衣則四子之道一而已矣堯能忘形以求道是爲往見之藐姑射山卽前反觀身中幽眇之喻此道古今無殊君民罔間君得此道卽今之帝堯民得此道卽今之許由汾水堯所都不離當處而得見四子言道不在遠求皆然喪其天下棄如弊屣之謂也又因研味祖經密有所契敬以有象有物有精有信參解四子義若晤合既見四子則至貴在我萬乘之尊四海之富有不足顧者矣

惠子謂莊子曰魏王貽我大瓠之種我樹之

成而實五石以盛水漿其堅不能自舉也剖

之以爲瓢則瓠落無所容非不呿然大也

半飽

漢而大也

重

音



吾爲其無用而培之。莊子曰。夫子固拙於用。

大矣。宋人有善爲不龜手之藥者。世世以泝。

扶經泝音統音爲事。客聞之。請買其方百金。

聚族而謀曰。我世世爲泝泝統。不過數金。今

一朝而鬻技百金。請與之。客得之。以說吳王。

越有難。吳王使之將。冬與越人水戰。大敗越

人。裂地而封之。能不龜手一也。或以封。或不

免於泝泝統。則所用之異也。今子有五石之

瓠。何不慮以爲大樽。而浮乎江湖。而憂其瓠

落無所容。則夫子猶有蓬之心也夫。

良藥亦終泝泝統未爲不善用藥也不過越難雖而不能物物也此篇言用大順其材也後篇言養大順其性也

造化生物盈天地間有用無用係一時之達材不材又其次焉故或用於昔而棄於今或棄於今而用於後此出於人爲非物所能必也觀夫芻狗之陳未陳臝腋之散未散可見矣况魏王之轍異於凡種見者張皇驚駭之不暇又惡知所以爲用哉宜惠子恠而有問也莊子知其拙於用大遂以不龜手之事喻之物本一也而其貴賤或相什伯或相千萬者在人善用不善用之間耳人多工於用小世亦甘於就小則所成可知矣世多拙於用大人或安於守大則所蘊可知矣夫五石之轍樹之成也豈一朝之功今則非惟不

能成其大用而又指擊暴殄之何斯歟之不  
幸耶凡出類之物亦造化間氣所鍾其無用  
也意或有待既嫌其大而不欲剖為室家之  
用當思全之而為江湖之用濟深利涉與舟  
楫同功則大瓠之無用適為妙用矣以  
惠子之多方而不知出此達塞其心也

惠子謂莊子曰吾有大樹人謂之樗其大

擁腫而不中繩墨其小枝卷曲而不中規矩

立之塗匠者不顧今子之言大而無用衆所

同去也莊子曰子獨不見狸狌乎卑身而伏

以候敖者東西跳梁不避高下中於機辟死

於罔罟今夫斄牛其大若垂天之雲此能為

大矣。而不能執鼠。今子有大樹。患其無用。何  
不樹之於無何有之鄉。廣莫之野。彷徨乎無  
爲其側。逍遙乎寢卧其下。不夭斤斧。物無害  
者。無所可用。安所困苦哉。

**通義**此言抱道者無適而不逍遙。雖若無用  
於世。亦不賈禍於身。惟不賈禍。風動而俗成。  
其爲用也大矣。彼役役塵勞者。茫然於禍福  
之機。胥溺而不悔。至於福之爲禍者。又孰覺  
之哉。此旨於養生者爲易見。若主於修德。當  
察無用之旨。若謂意甘於無用。而后能見物  
之情。意安於無用。而后能免物之累。是尚有  
意也。惟無意而后可語乎無用。其曰無何有  
廣莫云者。言何有則已無矣。而何有亦無之  
言。廣則遠矣。大矣。而廣亦莫之見。不可形似。

也歿無跡無涯之稱乎惠子兩問猶肩吾之不信莊子之答則進於連叔者惠子戲莊子大言之無用非議也莊子喻以物之在世器識大小不同不可以大者皆爲無用也知其爲大矣而復戲其無用功利之毒有以盡其心也卽莊子過惠子之墓而興思則其交誼非淺淺者愚故謂之戲而非議也

**集解** 惠子又以大樗擁種不中規矩議莊子之大言無用對以狸狌黠慧死於機辟鰲牛無技幸全其生得失果何如哉今子有大樹不能樹之於無用之地以全逍遙之樂而乃反憂匠者之不顧此南華所深惜故因其問而救正之使脫形器之桎梏保性命於虛玄超有爲而入無爲以不用而成大用庶乎逍遙遊之本旨也

**義疏** 總論逍遙遊篇敷叙宏博引喻高遠辭源浩渺意趣卓絕使讀之者若御泠風

而登汗漫忘世累而極天遊真所謂超舉  
義微重闕解粘釋縛之洪規通玄究微之  
捷徑也伯秀不揆荒蕪槩陳管見復於篇  
末爲之統論云循至理者以道通乎萬事  
全正性者與物同乎一天理性得而不道  
遙者未之有也夫赤子之心本無知識識  
隨形長物接乎前得失存懷冰炭交作舍  
彼役此無休歇期倘非燭理洞明道義戰  
勝雖居至貴至富亦有所不免焉故學道  
之要先須求聖賢樂處切身體究方爲得  
力易云樂天知命顏氏簞歌自樂孟子養  
浩而充塞天地原憲行歌而聲出金石此  
皆超物外之累全自己之天出處動靜無  
適非樂斯可以論逍遙矣此北冥之鯤化  
而爲鵬搏風擊水徙於南冥蓋謂學者見  
聞狹陋趨向細微罔知性海之淵澄併與  
命珠而淪失遂舉此大物生於大處以明  
已之所自來涵養既久體神合變出陰入

陽其用莫測俾夫知效一官行比一鄉德  
合一君而徵一國者悟外物之可輕已天  
之當重將見培風絕雲與化無極何世界  
之能及哉故必至於乘天地御六氣以遊  
無窮然後爲逍遙極致所謂至神聖者亦  
混融俱化而已功名皆外物矣堯讓許由  
章所以證成前義啓廉遜之風警省後人  
絕務外之慕裨益治道爲多及肩吾聞言  
於接輿發揮神人之秘以喻身中至靈務  
操存涵養以致之初不在乎遠求也塵垢  
黷穢陶鑄堯舜言神人之德與天同運推  
其緒餘猶足以成唐虞之治而其真則非  
世人所知也堯往見四子藐姑射之山中  
存妙理難以臆度必須親造姑射四子當  
不言而喻學者勉之是篇首論鯀鵬蜩鳩  
靈椿朝菌知年小大皆窮理之談末舉大  
瓠以虛中自全大樗以深根自固喻盡性  
以至於命學道之大成而入乎神者也不

疾而速不行而至何  
往而非逍遙遊哉

**逍遙** 逍遙遊乃一書之大旨褚氏於卷前  
標列以順化逍遙無爲逍遙推變逍遙無  
名逍遙無功逍遙無已逍遙適物逍遙等  
名莽指此一篇而已蓋一書每篇之中各  
有一意只是闡明道體之大能體此道者  
無入而不自得不以世運汚隆干於太虛  
之體耳若夫螭鳩斥鷃滿天下梗楠狸狗  
之甘心自古皆然者又何怪乎鯉鵬之駭  
聽見笑而張騫蔡牛之無鑒  
賞也而况太虛其度者乎

### 齊物論第二

物論者衆論也齊之者  
合彼此是非而一之也

南郭子綦隱几而坐仰天而噓嗒焉似喪其

耦音鄰顏成子游立侍乎前曰何居乎形固可使



如槁木而心固可使如死灰乎。今之隱几者。

心不覺忘形乃忘物忘論之本得其本何有齊不齊

非昔之隱几者也。子綦曰。偃不亦善乎而問

此意隱几養親而要以天籟天機之無朕也

之也。今者吾喪我。汝知之乎。女聞人籟而未

樂同

聞地籟。女聞地籟而未聞天籟。夫子游曰。敢

天地

問其方。子綦曰。夫大塊噫氣。其名爲風。是唯

無作。作則萬竅怒呿。而獨不聞之。琴琴

出林胡到反

乎。山林之畏佳。大木百圍之竅穴。似

音佳音

鼻似口。似耳似枅。似圈似臼。似洼者似污

音枅音

者。激者謫。者叱。者吸者呌。者譟者突。者

音者音

者。激者謫。者叱。者吸者呌。者譟者突。者

已上集

聲經

咬者前者唱于而隨者唱喁音冷風則小和

大

張

波過雨止

汝

飄風則大和厲風濟則衆竅爲虛而獨不見

謂乃皆樹爲風搖之形

之調調之刁刁乎子游曰地籟則衆竅是已

笙簧之類

此即地籟中顯天籟

人籟則比竹是已敢問天籟子綦曰夫吹萬

由

作

不同而使其自已也咸其自取怒者其誰邪

今籟本天籟從容自得

計較分毫

將昂

瞻頤

大知閒閒小知閒閒大言炎炎小言詹詹其

多步

動角

結合

聲

窳也魂交其覺也形開與接爲構日以心闢

各韻

機發

秋陰

縵者窖者密者小恐惴惴大恐縵縵其發若

機括其司是非之謂也其畱如詛盟其守

注

之謂也。其殺如秋冬。以言其日消也。其溺之

所為之不可使復之也。其厭也如緘。以言其

老洫也。往近死之心。莫使復陽也。喜怒哀樂慮

嘆變熱姚佚啓態樂出虛。無如知者烝成茵。日夜相代

乎前。而莫知其所萌已乎已乎。旦暮得此其

所由以生乎。非彼無我。非我無所取。是亦近

矣。而不知其所為使。若有真宰。而特不得其

朕可行已。信而不見其形。有情而無形。百骸

九竅六藏賊備而存焉。吾誰與為親。汝皆說

之矣。其有私焉。如是皆有爲臣妾乎。其臣妾  
不足以相治乎。其遞相爲君臣乎。其有真君  
存焉。如求得其情與不得。無益損乎其真。一  
受其成形。不亡以待盡。與物相刃相靡。其行  
盡如馳而莫之能止。不亦悲乎。終身役役而  
不見其成功。蘄然疲役而不知其所歸。可不  
哀邪。人謂之不死。奚益其形化。其心與之然。  
可不謂大哀乎。人之生也固若是芒乎。其我  
獨芒而人亦有不芒者乎。夫隨其成心而師

之誰獨且無師乎。奚必知代而心自取者有

之。愚者與有焉。未成乎心而有是非。是今日

適越而昔至也。是以無有爲有。無有爲有。雖

有神禹且不能知。吾獨且奈何哉。夫言非吹

也。言者有言。其所言者特未定也。果有言邪。

其未嘗有言邪。其以爲異於穀音音亦有辯

乎。其無辯乎。道惡乎隱而有真偽。言惡乎隱

而有是非。道惡乎往而不存。言惡乎存而不

可。道隱於小成。言隱於榮華。故有儒墨之是

辯禹知此言聖者哉

此特

又原老

真偽之一黃

是非之一

非。以是其所非。而非其所是。欲是其所非。而  
非其所是。則莫若以明。物無非彼。物無非是。美  
自彼則不見。自知則知之。故曰彼出於是。是  
亦因彼。彼是方生之說也。雖然。方生。方死。方  
死。方生。方可。方不可。方不可。方不可。因是非。  
因非。因是。是以聖人不由而照之于天。亦因  
是也。是亦彼也。彼亦是也。彼亦一是非。此亦  
一是非。果且有彼是乎哉。果且無彼是乎哉。  
彼是莫得其偶。謂之道樞。樞始得其環中。以

應無窮。是亦一無窮。非亦一無窮也。故曰莫

若以明以指喻指之非指。指之物不若以非指喻指

之非指也。物以馬喻馬之非馬。所附之物不若以非馬喻

馬之非馬也。馬天地一指也。萬物一馬也。可乎

可。不可乎不可。道行之而成。即是物謂之而然。惡

乎然。然於然。惡乎不然。不然於不然。物固有本

所然。物固有所可。無物不然。無物不可。故為

是舉。是舉廷與楹。是廷厲與西施。恢憺慤怪。道通為一。

其分也成也。其成也毀也。凡物無成與毀。復

通爲一。唯達者知通爲一。爲是不用而寓諸庸。庸。痛也者。用也。用也者。通也。通也者。得也。適得而幾矣。因是已已。而不知其然。謂之道。勞神明爲壹。而不知其同也。謂之朝三。何謂朝三。曰。狙公賦茅。音音曰。朝三而莫四。衆狙皆怒。曰。然則朝四而莫三。衆狙皆悅。名實未虧。而喜怒爲用。亦因是也。是以聖人和之以是非。而休乎天鈞。是之謂兩行。古之人其知有所至矣。惡乎至。有以爲未始有物者。至矣。盡矣。



不可以加矣。其次以爲有物矣而未始有對也。其次以爲有對焉而未始有是非也。是非之彰也。道之所以虧也。道之所以虧。愛之所以成。果且有成與虧乎哉。果且無成與虧乎哉。有成與虧故。昭氏之鼓琴也。無成與虧故。昭氏之不鼓琴也。昭文之鼓琴也。師曠之鼓琴也。惠子之據梧也。三子之知幾乎皆其盛者也。故載之末年。唯其好之也。以異於彼。其好之也。欲以明之。彼非所明而明之。故以堅

白之昧終。而其子又以文之綸緒終身無成。結果

若是而可謂成乎。雖我亦成也。若是而不可

謂成乎。此言物之成與否物與我無成也。是故滑疑之耀。聖人

之所圖也。素為是不用而寓諸庸。此之謂以明。

今且有言於此。不知其與是類乎。所於者其與是不

類乎。類與不類。相與為類。則與彼無以異矣。

雖然。請嘗言之。有始也者。有未始有始也者。

有未始有夫未始有始也者。有有也者。有無

也者。有未始有無也者。有未始有夫未始有

無也者。俄而有無矣。而未知有無之果孰有孰無也。今我則已有謂矣。而未知吾所謂之其果有謂乎。其果無謂乎。天下莫大於秋毫之末。而大山爲小。莫壽乎殤子。而彭祖爲夭。天地與我並生。而萬物與我爲一。旣已爲一矣。且得有言乎。旣已謂之一矣。且得無言乎。一與言爲二。二與一爲三。自此以往。巧歷不能得。而况其凡乎。故自無適有。以至於三。而況自有適有乎。無適焉。因是已。結前夫道未始有

對言未始有常主。爲是而有眡也。請言其眡。有

左有右有倫有義有分有辯有競有爭。此之

謂八德。六合之外。聖人存而不論。六合之內。

聖人論而不議。春秋經世先王之志。聖人議

而不辯。故分也者。有不分也。辯也者。有不辯

也。曰。何也。聖人懷之。衆人辯之。以相示也。故

曰辯也者。有不見也。夫大道不稱。大辯不言。

大仁不仁。大廉不嗛。大勇不忮。道昭而不道。

言辯而不及。仁常而不成。廉清而不信。勇忮

而不成。五者音園而幾向方矣。故知止其所

不知。至矣。孰知不言之辯。不道之道。若有能

知此之謂天府。注焉而不滿。酌焉而不竭。而

不知其所由來。此之謂葆光。葆音保故昔者堯問於

舜曰。我欲伐宗。脰胥敖。南面而不釋然。其故

何也。舜曰。夫三子者。猶存乎蓬艾之間。若不

釋然。何哉。昔者十日並出。萬物皆照。而況德

之進乎日者乎。

**釋義** 心形對舉為耦。故曰吾喪我。吾者我之

心。我者吾之形。此一句是齊物之機。通篇種

種皆明此義入於無所知而已無知則物論  
齊矣方類也籟之可見者也人籟之類甚多  
言此竹舉一端耳不詳者人所共見可推也  
皆其自取怒者一句言萬竅以爲自能取聲  
抑又知有誰者爲之邪說字與自己應正指  
天也籟可言聲而非聲可盡凡有顯露處皆  
可言籟溺言人之小便不可復此日消之實  
迹其厭也如絨厭飲之求如絨膝然牢不可  
解也老漁老於溝渠猶言老奸也可行已言  
天行之妙人皆可體之於身然情於心目不  
可見以此朕有情而無體也情作爲也成心  
有見而不化也求成乎心昏而無所見也夫  
隨其成心而師之至柰何哉七十六字只形  
容有我之偏雖非天籟亦天籟也以明者指  
人心虛靈知覺而言非指天理大學明德是  
也何謂朝三云云與湯問棘一段文法相類  
兩行謂是者是之謂非者非之彼或變而反  
之亦姑從而許之是謂和之以是非也此以

善養人之方在善用而已老子曰德者同於德失者同於失此其旨也未始有物者一氣混溟之時或謂其指太極之前則太極無前也未始有物其次有物其次有對其次有是非此第世道之降亦有不得不然者故曰是非彰道以虧則太朴之喪也然而喪亦不可喪者性天在人不可泯也養其性存其朴此莊子之學也昭文師曠惠子勞神爲壹之證有始也者有有也者二條不是兩平乃承上一串說下故下文只言有無也或引無極太極爲說殊覺比擬分也者人也有不分者天也辯亦然聖人順天而不立我故懷之衆人有我而不知天故辯之故曰辯也者有所不見而然也天府者萬物皆備於我也山毫彭殤之同性各足也其異者質也理一分殊可集此篇之旨矣末引堯事證物我對立是非釐生好惡斯起也蓬艾之間蔽於慾而不向化也德進於日則太虛其量天光其照又何

物之不齊也哉。庸齋謂子游亦有造理之見。故以三籟啓其問。初言萬竅後止一木舉一以例其餘也。此段只說地籟却舍天籟意其發若機括謂言不虛發如射者主於中的也。詛盟言勝心留戀不可解也。自日夜相代以下皆言造物之所爲。雖在面前而人不可見也。穀者鳥之初出卵者也。穀之爲音未有所知。汝之有言亦不自知。與穀音同也。大道本無真僞。至言本無是非。真僞起於偏見。是非起於自誇小成一偏之見也。榮華自相誇詡也。自是而後始有儒墨相是非之論。若欲一定其是非則須歸之自然之天理。明者天理也。故曰莫若以明。古之聖人所以不用一偏之見而照之以天理也。若能渾人已而一之則爲道之樞要。指點箠馬之喻只是不能虛以用物。彼我立而是非起物論所以不齊也。可乎。可以下即聖人因物之故而撫之之道。循其自然而至於不知其然此之謂道也。徂



公之喻名異實同天均者均平而無彼此也  
兩行者並存也是非起於私心道始斷喪然  
以造物觀之何成何虧此一段固是自天地  
之初說來然會得此理眼前便是且如一念  
未起便是未始有物之時此念既起便是有  
物因此念而後有物我物我便是有對因物  
我而有好惡便是有是非於此回思但見胸  
次膠擾便是道虧而愛成及此念一過依然  
無事何嘗有成虧鼓琴之喻最爲親切自物  
無非彼以下至非亦一無窮也既解以明二  
字自以指喻指以下至適得而幾矣又解因  
是二字却直至此處又以此之謂以明結之  
今且有言至於彼無以異矣此段又自爲是  
不用一句中是字生來故曰與是類乎與是  
不類乎此是莊文血脉前言言非吹也到此  
換頭又唱起今且有言於此一句亦是前後  
血脉以其類者與其不類者易地而看則是  
類與不類皆相類其意蓋因把他做我看把

我欲他看則見我與他一般故曰與彼無以異矣此便是以指喻指以馬喻馬之意韓云無是無非亦且說一說故曰請嘗言之意曰當初本無箇有不特無箇有亦無箇無忽然有箇無則必是生出一箇有如此推明一生二二生三千萬億兆至於巧曆所不能算當初只因無字引起至此況自有而生有乎惟無適爲是無適卽因是也春秋一句言見於史冊者皆是先王經世之意聖人豈容不立此議而何嘗與世人爭較是非蓋天下之理惟其不言則爲至言才到分辯處便非一也故曰分也者有不分也辯也者有不辯也旣說大道不稱五句下面又解一轉見其無迹也若稍有迹卽入驢廬而非皞皞矣天下之真知必至於不知爲知而止則爲知之至矣不知之知便是不可言之辯不道之道若人能此則可以見天理之所會矣故曰天理天理之所會不容加損也至理無終始故曰不知

所由來此林氏優於諸家之訓但於地  
既曰未聞又曰聞遂一忘三之義未聞

**張海**

形固可使如槁木正言之也心固可使

如死灰乎反問之也子綦曰今者吾喪我知  
其爲吾則心不應如死灰是有真我存滅動  
不寂照之義子游請問其方答以大塊噫氣  
特證以地籟而已泊再請子綦乃曰吹萬不  
同而使其自己也至此始泄天籟真機惜乎  
子游知形可稿心不可灰之爲真我而非悟  
此卽籟之天也心爲天君籟卽吾心之用凡  
所以致知格物酬機應變形諸言動者皆是  
不必見於聲而後爲籟也君可端拱無爲不  
可一日失位心可寂靜無思不可一時泯滅  
心雖無聲而有聲者存乎其中如鐘鼓在懸  
不待扣而後知其有聲昧者泥夫形相之起  
滅是以聲聞有間斷耳人籟地籟有動有寂  
天籟自然超乎動寂而有真宰真君實聲聲  
聞聞之主後文言非吹也言者有言是矣百

姓日用不知與接爲構滑神勞精而病物之  
不齊是猶抱薪而止火也學者倘能反而求  
之得其歸趣則內揆諸身外觀諸物始終各  
契於本源小大皆均於一豈安有不齊者哉  
續考太塊之義郭氏謂無物成法師云造物  
是也亦自然之稱又云天也按本經太塊載  
我以形列子云地積塊耳釋之以地義或近  
之詳此所謂太塊似指天地之間噫氣卽道  
德經所謂其猶橐籥乎是也開闢之機陰陽  
之本一元之氣運化於斯所以鼓舞萬物動  
蕩振發而使之敷舒長茂焉大而飛屋拔木  
摧山立海此奮發之成暴戾者及其機停籟  
息寂然歸無則向之鼓舞者安在真人以此  
喻心之起滅實爲至論而所以起滅者在人  
精思而善求之慮嘆變熱姚佚啓態八字真  
人矢口成文他書無所見諸論多不及獨成  
法師疏云慮則預度未來嘆則咨嗟既往  
則攷易舊事悲則屈伏不伸據慮嘆疏釋

善而變慧之義尚欠發明今擬解云變則  
躁而務作爲慧則畏懼而不敢動庶盡經意  
云又疏姚則輕浮佚則奢縱啓則開張情欲  
態則嬌淫妖冶似亦未稱上文今擬解云姚  
則悅美以自肥佚則縱樂而忘反啓則情開  
而受物熱則驕矜而長傲言人之徇物忘已  
者一物之中有此異狀計得慮失焦火疑冰  
是以形化心俱日消而近死也然此豈性所  
有哉由厭溺物欲情識顛倒忘其所不忘不  
忘其所忘譬夫樂之出虛丞而成茵幻塵泡  
影倏起倏滅何足以介浩然之懷當知有湛  
然寂然者亘古常存而此擾擾特其變境塵  
緣偶遇識破卽空反究我之與物原於本無  
暫寄世間姑酬宿業思所以解昭根於厚地  
集氣母於先天不將不迎常清常靜則雖身  
處囂途神超聖境何世累之能及哉成心者  
是非分別之所自萌不可以善言之也愚嘗  
傳西蜀無隱范先生講席竊聆師誨云成心

諸有見不虛意必固我之總名未成心則真  
性混融太虛同量成心則已離乎性有善有  
惡矣然處世間應酬之際有不免成心卽當  
師而求之於未成之前則善惡不萌是非無  
朕何所不齊哉其論精當足以盡祛前惑未  
人之止念非難不續爲難自初成心卽師而  
求之於未成心之前則念不續而性可復矣  
是故對物則意生忘物則性現心者性之用  
萬法之本原一身之主宰蓋不可蔑者若曰  
成心則流乎意矣心之爲物出入無時莫知  
其鄉然方寸之所欲爲未有不因物而生者  
心離也離主乎火不能自形必有所麗而後  
見心同太虛則無所麗矣且心麗物而爲善  
猶不若無心無爲汎麗物而爲惡乎關尹子  
云來于我者如石火頃以性對之物浮浮然  
此遺物離人攝情歸性之要道也學者歸而  
求之有餘師矣知音智與音預知代而心自  
取者正指師心之人以知代用自取於道以

爲成心者也。彼我異情，是非互指。東家之西，  
卽西家之東。天地之先，亦太極之後。此亘古  
今而不齊者也。而真人舉非指，非馬之喻，可  
謂善齊物論矣。以指喻指之非，指常人之見  
也。以非指喻指之非，指至人之見也。非馬之  
義，亦然。世之至見少而常見多，則天地一指  
萬物一馬之論，又所以重增其惑也。請解之。  
曰：所異者，天下之情；所同者，天下之理。一理  
可以通萬情，則非指亦是也。萬情不能歸一  
理，則是馬亦非也。蓋指馬涉乎形迹，所以不  
免是非。非指非馬，則超乎形數，言議之表。故  
天地雖大，而一指可明；以其與我並生也。萬  
物雖多，而一馬可喻；以其與我爲一也。凡得  
其情而通其理，則物雖萬殊，融會在我。事隔  
千里，契之以心。古之一羣情有大物者，得諸  
此。太上云：得一萬事畢。此物之所齊論之所  
止，而非言之極議也。與古之人貴真知而遺  
妄知，去滯有而存妙，有所以保性命之真全。

自然之道也人心澆漓世道愈降有物以窒其虛明有封以限其疆域物我對而是非彰是非彰而道虧愛成也果且有無成虧乎哉又重提唱以警省人心俾悟夫齊物之本旨也夫成虧者物之粗迹信能後乎無物何成虧之有昭文鼓琴之至精者以其未超乎形聲度數故不述乎成虧技策謂以杖擊樂據梧者隱几談論此師曠惠子之所長各以其能自是至老好之不衰非惟已好之又將以明彼不度彼之所宜徒強聒以求合以至昧然而終莫覺莫悟而文之子又以綸緒終身無成明前三子成於技而對於道固自以爲成文之子既虧於技又虧於道亦自以爲是言彼是之各偏成虧之無定也滑疑之耀謂三子之技滑亂於世而疑眩耳目故聖人之所圖爲此不可用而寓之於常道求以漸復其初是謂善用其光而不耀者也凡天下之論大莫過乎太山壽莫過乎彭祖此以形論



不能無限若以虛空性體觀之太山直細物  
彭祖直嬰孩耳秋毫雖細而有形之初同具  
此理何嘗無至大者存殤子雖幼而有生之  
初同稟此性何嘗無上壽者寓天地特形之  
大萬物特形之衆原其所自來蓋未嘗不一  
也故反覆互言以破世人執著之見以開物  
理造極之機由是而進黍珠容黎土芥子納  
須彌之義可類通矣學者信能得其環中之  
空休乎天均之分則大秋毫而小太山壽殤  
子而天彭祖之論非徒矯流俗之弊救貪生  
之失究理之極有誠然者柰何世眼徒見萬  
物之迹擾擾不齊而方寸澄明之區與之俱  
滑如水赴壑莫覲還源故真人諄諄訓導使  
之反寃本初混融物我同胞同體無間吾仁  
皞皞熙熙共樂清靜則義黃帝代今日是也  
聖賢密傳此心是也復何壽夭彼此大小古  
今之辯哉並生爲一大槩與前一指一馬之  
喻相類雖語若乖宜而理實精到所謂正言

若反可與知者道也堯欲伐宗膾胥敖似與  
上文不貫然句有故昔者則是因上文而引  
證無疑第事不經見無所考訂崔氏云宗一  
膾二胥敖三也竊詳經旨自上文有對有常  
有眡而來意三國者借喻前六合內外先王  
之志曰論曰議曰辯三條皆欲攻而去之所  
以離言辯之是非復道德之玄默而堯猶未  
能自勝以問於舜答以三子者猶存蓬艾之  
間謂皆已存而不論莫若聽其自處於無人  
之境則在我不以介懷在彼無所礙累何不  
釋然之有後證云昔者十日並出羣陰皆退  
有目有趾待是成功況今帝德又過乎日則  
彼三者不待攻而自知理固然也蓋以寓言  
夫議論辯不生則是非自息此齊物之大旨  
同是物有所襲

齧缺問乎王倪曰子知物之所同是乎曰吾

他不知乎外亦知於內乎

惡乎知之子知子之所不知邪曰吾惡乎知

之。然則物無知邪。曰。吾惡乎知之。雖然。嘗試

言之。庸詎知吾所謂知之非不知邪。庸詎知

吾所謂不知之非知邪。且吾嘗試問乎女。民

溼寢則腰疾偏死。鰭然乎哉。木處則惴慄恂

懼。援猴然乎哉。三者孰知正處。民食芻豢。麋

鹿食薦。螻蛆甘帶。鴟鴞耆鼠。四者孰知正味。

援徧狙以爲雌。麋與鹿交。鰭與魚游。毛嬙麗

姬。人之所美也。魚見之深入。鳥見之高飛。麋

鹿見之決驟。四者孰知天下之正色哉。自我

莊子  
浩然齋  
道義卷一  
三十一  
夏大德

觀之。仁義之端是非之塗。樊然殽亂。吾惡能

知其辨。齧缺曰。子不知利害。則至人固不知

利害乎。王倪曰。至人神矣。大澤焚而不能熱。

河漢沍而不能寒。疾雷破山。風振海而不能

驚。若然者。乘雲氣。騎日月。而遊乎四海之外。

死生无變於已。而況利害之端乎。

**通義**

諸解性同情異未竟。謂世俗之成說

而不體察也。體用一原。理皆不二。乃若其情

可以爲善。是故人物所同。若知覺不同者。形

質而慾識。因之識。因於形。則性逐於識矣。而

所以爲知覺者。遂有不同。而其所以同者。無

所思而知無所觸而覺是也。故曰性一而識

萬一無而萬有惡能知其辯以上解不知同  
是句大澤以下解不知所不知句若然以下  
解不知物無知句所謂神矣者言其與萬物  
同體而無礙也此倪辭至人之稱而有不得  
不任之意若同是之問不知之對卽是上文  
知止其所不知之旨處味色三節是非物我  
之喻也不熱不寒不驚非  
游心於無物之始者不能

**叢書**

人物之所同者性所異者情性流爲情

物各自是彼此偏見指馬相非論殊而嫌隙  
生辯極而忿爭起以至肝膽楚越父子路人  
者有之其患實始於知之一字妄生分別故  
王倪三答吾惡乎知之欲齧缺反求其所不  
知得其同然之性而冥夫大通之理則近道  
矣又恐未能心會繼以嘗試言之引喻入鳥  
獸之異宜以證處味色之非正然則所謂知  
者豈其真知所謂不知豈真不知哉太上云  
知者不言言者不知今既有言矣如知何曰

舍多知而求所不知因有言而究所未言則孰知不知之非真知有言之非無言耶

瞿鵲子問乎長梧子曰吾聞諸夫子聖人不

從事於務不就利不違害不喜求不緣道无

謂有謂有謂无謂而遊乎塵垢之外夫子以

爲孟浪之言而我以爲妙道之行也吾子以

爲奚若長梧子曰是黃帝之所聽瑩也而丘

也何足以知之且女亦太早計見卵而求時

夜見彈而求鷄炙子嘗爲女妄言之女以妄

聽之奚旁日月挾宇宙爲其脗合置其滑濫

以隸相尊。衆人役役。聖人愚也。參萬歲而一

成純。萬物盡然。而以是相蘊。予惡乎知說生

之非惑耶。予惡乎知惡死之非弱喪而不知

歸者耶。麗之姬。艾封人之子也。晉國之始得

之也。涕泣沾襟。及其至於王所。與王同筐牀。

食芻豢。而後悔其泣也。予惡乎知夫死者不

悔其始之蘄生乎。夢飲酒者。旦而哭泣。夢哭

泣者。旦而田獵。方真夢也。不知其夢也。夢之

中。又占其夢焉。覺而後知其夢也。且有大覺

且

而後知此大夢也。而愚者自以為覺。竊竊然

知之。君乎牧乎。分貴固哉丘也。不達與女皆夢也。予謂

女夢亦夢也。是其言也。其名為弔詭。魏任萬世之

後。而一遇大聖知其解者。是旦暮遇之也。既

使我與若辯矣。汝若勝我。我不若勝。若果是也。汝

我果非也耶。我勝若。若不我勝。我果是也。而

果非也耶。其或是也。其或非也耶。其俱是也。

其俱非也耶。我與若不能相知也。則人固受

其黜闇。黜闇吾誰使正之。使同乎若者正之。既與



若同矣。惡能正之。使同乎我者正之。既同乎  
我矣。惡能正之。使異乎我與若者正之。既異  
乎我與若矣。惡能正之。使同乎我與若者正  
之。既同乎我與若矣。惡能正之。然則我與若  
與人俱不能相知也。而待彼也耶。境物何謂和之  
以天倪。曰。是不是。然不然。是若果是也。則是  
之異乎不是也。亦無辯。然若果然也。則然之  
異乎不然也。亦無辯。化聲之相待。若其不相  
待。和之以天倪。因之以曼衍。所所以窮年也。終身忘

年忘義振於无竟故寓諸无竟

此言學者所造有淺深施教者當迎其機而養之不當逆其意而沮之不從事於務言君子惟知盡心不滯於所務之事猶言不器也緣道以道爲美因循而行之由於聞見不由於衷猶曰行仁義也夫子以爲孟浪之言而我以爲妙道之行此瞿鵲謂我以此爲精微之造而孔子不許何也丘何足知此長梧掃瞿鵲之疑而獎進之也黃帝聽堯正許其妙道之見下文固哉之貶言孔子教人太拘泥也皆所以誘瞿鵲而通孔子未發之意太早計正孔子以爲孟浪之意其意多早計之喻也奚旁日以狹宇宙爲其脂合置其滑昏言今汝何乃務爲旁日月狹宇宙大而無歸之事乎世爲其心之所安置其心思所不明者而已猶曰樂則行之憂則違之也弱喪少年去其鄉里也大覺者通晝夜之道而

世怪者也。大夢則世人皆是也。以為  
以為妙道。以為黃帝聽堯。皆是夢者。此  
瞿鵲許多聞見。使其一疵不存。而還其太  
之體也。故結以寄寓於无。而止无竟者。畢  
於無。所謂無無也。若曰無物之境。則物之外  
尚有無在。非所謂天倪塵垢之外也。通章言  
物各付物。自無不齊之可論也。腐齋謂前  
就因是上發到。以是相蘊處。却又把前頭死  
生無變乎已。一句就此發明。至使我與若辯  
至待彼也耶。又自以是相蘊處。生來亦前所  
謂利害之端也。天倪即天均和者。因是而已  
不相待。而尚同。則是和之以天倪也。亦通  
非有心避就也。不喜求。則方寸內虛。不緣道  
則虛亦忘矣。不言而令行。無謂有謂也。言而  
無滯迹。有謂無謂也。若是則何塵埃之能染  
哉。此瞿鵲平日聞於夫子。以為孟浪之言。而  
自以為妙道之行。舉以求證於長梧。長梧謂

此言誠妙唯黃帝聽之始能明了恐夫子亦未盡知之況汝踐履未充徒嘆美其美是爲大早計猶見卯而求時夜見彈而求鶚炙也予試妄言汝試妄聽以爲何如旁日月挾宇宙此神人之事非與日月參光天地爲常未易語此倘能行前所論聖人之事則可進乎是要在審其脗合自然者爲之滑濬於俗者置之從微至妙由階而升亦如以隸相尊士隸大夫大夫隸公卿等而上之聖而入於神矣衆人昧此役於知見不能暫息聖人如愚不分故雖萬歲之久事變之雜合而一之混然純備無今古而忘死生聖人不獨善而已又使萬物同證此道相蘊而熟成之故能與天地並生萬物爲一也凡人所以不能造此者悅生惡死惑其心喜怒哀樂成其性遂於後文申言以破其迷觀麗姬之先泣後悔則安知死者不悔其向之斬生乎飲酒哭泣之無據覺夢變幻之多端夢中占夢以喻世人

迷之尤者必有大覺而後知此大夢也而愚者於夢中自以爲覺而君牧貴賤於其間何固蔽不通之甚舉世皆夢又何分乎彼我哉是以此言達者喜其不當迷者驚其說異萬世一遇知其解者若旦暮然重嘆世人明此道者至希也本章指歸正在大覺二字觀者宜究心焉瞿鵠長梧製名以問答夫子指孔子亦是寓言是非勝負各執一偏不能相正則我與若與人俱不能相知也而待彼也耶言必付之造化耳此一節諸解備悉獨化聲之義隱奧難明相待不相待之機亦未易以言盡惟窮神通化者以心燭之至理自見若以簡要論之死生覺夢之分出於化者也彼我是非之辯出於聲者也覺夢依乎形是非生乎情有若相待也然而化者自化不知其所以化聲者自聲不知其所以聲又若不相待也要夫物理之至極莫逃造化之自然此萬化之所出入萬物之所以齊也詳此化聲

之相待義同前

後互發明耳

罔兩問景曰。曩子行。今子止。曩子坐。今子起。

何其无特操與。景曰。吾有待而然者耶。吾所

待。又有待而然者耶。吾待蛇蚶蜺翼邪。惡識

所以然。惡識所以不然。昔者莊周夢爲胡蝶。

栩栩然胡蝶也。自喻適志與。不知周也。俄然

覺。則蘧蘧然周也。不知周之夢爲胡蝶與。胡

蝶之夢爲周與。周與胡蝶。則必有分矣。此之

謂物化

問兩影邊之餘輝周夢爲蝶曰昔者則  
非今日之夢矣可以見其平日無求無患之  
志蝶夢爲周此身或者原是蝶今爲周之覺  
乃蝶之夢乎末句萬物之生死變化往來理  
無不然嗟乎有生之類影而已夢而  
已是非之辨達觀者其將謂之何

蛇蚺蝮翼或謂蛻甲者不若蝮蝮翅翼  
之說爲優蓋蛇藉以行蛻藉以飛喻人身所  
以運動者有若相待而終於無待則獨化之  
理明矣故翻覆辯論率歸無待而止人之一  
身耳聽目視手執足行有待而然也而所以  
用形者若待造物而實無待也天下之物生  
於有有生於無有之以爲利無之以爲用然  
則有無利用未嘗不相生人能反究至無之  
妙遊乎物初則知所以生有所以用形者矣  
今有形以運動有心以思慮尚不自知其主  
宰之者則自形以生景又豈罔兩所可知宜  
其惑而有問也寓言篇有衆罔兩問影章輪

世之迷者益多故不一言之有云千蠋甲也  
蛇蛇也與此蚺翼義同本經嘗言古之真人  
其寢不夢而南華自謂夢爲胡蝶何耶蓋借  
覺夢以立言明死生之一致生不知死亦猶  
死不知生二者雖不相知而理本齊一請以  
覺夢觀之槩可見矣何爲當生而憂死當死  
而羨生乎蝶之爲物無巢穴之營無饑渴之  
患翩翩栩栩游乎天地間人見之者亦欣其  
自適而莫加害焉其所由生非關種類往往  
他蟲所化或朽夢所爲至樂篇載烏足之根  
爲蟬蟬其葉爲胡蝶則亦出於草化莫究其  
始而終亦不知所歸蓋翺飛中之得道者故  
真人或夢爲之夫人之與物形分多類咸稟  
自然自然者至道之妙本萬化所由立也故  
莊蝶夢覺各不相知終歸於化則未嘗有異  
是知動植萬形生死萬變有情無情率齊於  
造化者形數之始終萬類之出入由於造物  
之推排勇有力者莫能拒物受雕琢形歸鼓



鑄不知所以然。然是以達人委而順之。故  
覺夢混淆。生。死。爲一也。周與胡蝶。則必有分。  
分。卽物之。天。物。雖各有天。固同一天也。或讀  
分。如字。則分別無已。天下物論何由而齊。學  
者又當究夫性命之精微。以通物理之一致。  
與物同化。而有不化者存。以死生爲覺夢。視  
古今如朝昏。將無物之可齊。容有論乎。然則  
莊與蝶夢與覺。既有論之者。必有知之者。  
褚氏總論孟子曰。物之不齊。物之情也。而  
莊子名篇以齊物論。或疑其與儒家悖。重  
增不齊之情。殊不思孟子特爲許子言之  
耳。況孟子之所言者。情。莊子之所言者。理。  
理一分殊。則情之不齊也宜矣。故南華原  
本究極主一理以齊天下之物。論篇首設  
二子問。雖論人。類。地。籟。之。不。齊。明。天。籟  
之自然。非惟理不待齊。亦非齊之所及。故  
於其間。旁證側引。而不指言天籟欲人心  
契而自得之。夫生物糾紛榮謝萬變自形。

自色自清自息事歸天籟而止天籟者無  
形無聲而形聲之所自出神化之所發見  
也倘能究夫入籟地籟之所由生則天籟  
可知故郭註云豈復別有物哉蓋最上竹  
接乎有生之類會而共成一天耳至論知  
言覺夢成心言吹可否是非方生於死無  
異乎萬寂然號及乎得其環中以應無窮  
則虛以待物物亦無礙此忘而彼自化風  
濟窳虛之謂也天地一指萬物一馬則以  
不齊齊之詆訛論惟道通爲一有不待齊  
而自齊矣若夫狙公賦茅喜怒所由生昭  
文鼓琴成虧所以著言有心有爲不是以  
化物何望於齊哉至於天地與我並生萬  
物與我爲一可以言齊矣又慮或者以所  
與言爲二二與一爲三此又散而不齊者  
先也惟造乎未始有物註酌無方以大覺  
而知大夢參萬歲而一成純所以槩天下  
之物而齊之之道也罔兩問景不知卽異

而同南華夢蝶孰究非同非異蓋極論物  
我生死覺夢之不齊而終歸於物化南華  
之所謂化卽太易所謂神潛於恍惚見於  
日用而不可以知知識識由是悟萬物一  
形也萬物一化也萬化一神也神而明之  
變而通之孰爲物孰爲我夫是之謂大齊  
○齊而自無不齊所謂死生無變於已者  
殆非空言矣金剛經曰一切有爲  
法如夢幻泡影此篇足以盡其義

莊子內篇第一卷

終